



TDM sasar 100 peratus pekerja am warga tempatan di ladang

KUALA LUMPUR: TDM Bhd (TDM) melalui anak syarikatnya, TDM Plantation Sdn Bhd (TDMP), menetapkan sasaran untuk mencapai kadar 100 peratus pekerja am dan 70 peratus penuai tempatan di ladangnya menjelang tahun 2027.

Ketua Pegawai Eksekutif TDMP Hamdan Ibrahim berkata komitmen itu membuktikan bahawa pelaburan dibuat syarikat itu dalam memperkasakan sosioekonomi rakyat Terengganu.

"Menerusi usaha bersama, kami mensasarkan untuk menaik taraf penduduk setempat. Kami yakin usaha yang kami ambil ini penting dalam memastikan kejayaan perniagaan syarikat dan kesejahteraan komuniti setempat terutamanya pada kadar jangka masa panjang," katanya dalam satu kenyataan.

Sementara itu, Pengarah Eksekutif TDM Najman Kamaruddin berkata syarikat itu merancang untuk meningkatkan penggunaan mekanisasi dan teknologi pertanian tepat (Precision Agriculture) di ladang-ladang sawit bagi meningkatkan kecekapan produktiviti dan mengurangkan kebergantungan terhadap tenaga buruh manusia.

"Penggunaan mekanisasi ini diharapkan dapat menarik minat pekerja tempatan untuk menyertai industri perladangan. Selain itu, program latihan berterusan juga akan disediakan kepada pekerja tempatan untuk memperkasakan kemahiran dan teknik-teknik moden menggunakan peralatan-peralatan terkini," katanya.

Menurut kenyataan itu, sebagai sebuah syarikat berkaitan kerajaan (GLC), TDM akan menggunakan ruang dan peluang yang ada untuk bekerjasama dengan agensi-agensi kerajaan bagi mempromosikan peluang pekerjaan di ladang sekali gus meningkatkan kesedaran masyarakat tentang manfaat serta kelebihan menjadi sebahagian kakitangan perladangan di TDMP.

"Syarikat juga komited dalam menyediakan insentif yang menarik buat para penuai tempatan termasuk gaji berasaskan prestasi, penghargaan atas usaha kerja keras dan dedikasi para penuai," katanya. – Bernama

© New Straits Times Press (M) Bhd

SHARE THIS:



Be the first to like this.

RELATED

UEM Edgenta beli 60 peratus pegangan syarikat Arab Saudi March 23, 2023 In "UTAMA"

Saham Daythree cemerlang hari pertama di Bursa Malaysia July 26, 2023 In "UTAMA"

Khazanah kumpul RM67 juta dilabur dalam PolicyStreet June 6, 2023 In "UTAMA"



Published by **beritabaikofficial**

[View all posts by beritabaikofficial](#)

July 31, 2023

UTAMA

- 'Sanusi gagal di negeri sendiri'
- Harga internet lebih murah menjelang September

Leave a Reply

Enter your comment here...

BERITABAIK.NET



Tweets from @BeritaBaik_BBN

Follow



Nothing to see here - yet

When they Tweet, their Tweets will show up here.

[View on Twitter](#)